



Bájkkeavijssa NuorttaSálto

Sámegiella vuostasjgiellan

Tæksta: Kitty Skapalen
Járggálibme: Idar Kintel



Sámegiella áhpadimigiellan. Oahppe 1. – 7. klássaj Ájluovta skávlán gejna le sámegiella vuostasj- ja nubbegiellan. Samisk som opplæringspråk. Elevene fra 1. – 7. klasse ved Drag skole som har samisk undervisning som 1. og 2. språk.

50 % oahppijs Ájluovta skávlán le sámegiella vuostasj jali nubbegiellan. Valla oahppe ja áhpadiddje sámeg oahppamnævojt áhtsáli.



102 oahppe vádtsi mánáj- ja nuorajskávláv Ájluovtan. 11 klássaj li 8 dárogielak ja 3 sámegiellak klássá. Guovtekultuvralasj skávlá dárogielajn ja sámegiellajn avtagærdásasj áhpadimigiellan.

Valla esski gá oahppe 4. klássaj álggi de vuostasj girjev sámegiellaj oadtju. – Lijma sihtat adnet inep sámeg oahppamnævojt, javlli áhpadiddje. 1.- 4 klássaj li gudás gænna le áhpadus sámegiellan vuostasjgiellan, lágés 5.- 7 klássaj ja sæmmi 8.- 10 klássaj.

15-16 jage dássta ávdála Ájluovta skávlá sámegiellan vuostasjgiellan áhpadahttáj. Dat rájes li inep ja inep oahppe dav válljim. Valla hástalus le vilá gá áhpaduvvá sámegiellaj, madi girje li dárogiellaj tjáledum. – Vájvve I ham gá vierttip dárogiellaj láhkát ja sámegiellaj vásstedit, javllá nubbe oahppijs. Áhpadiddje álov biesskedi ja dabbmiji

Oahppamnævo sámegiellaj vájlluji: Oahppe nuorajskávlán oahppamnævojt sámegiellaj áhtsáli. – Vájvve láhkát girjes dárogiellaj, gá vierttip sámegiellaj tjálet, javlli.

Mangler samiske læremidler: Elevene i ungdomstrinnet ved Drag skole mangler samiske læremidler. – Dumt å lese fra ei norsk bok, når vi må skrive på samisk, sier de.

áhpadime ávdála. – Valla áttjudam lip moattedimmasijnav bájnojt, navti gájt tjappa bájnojt oadtjop, javlli oahppe mánájskávlán. Adni aj guottedahhte dáhtamasijnajt, ja oahppamnævojt ma internehtan gávnuuji. – Suohtas le power point vuosádusájt dahkat, ávddep bále planehtaj birra dagájma, javllá vájmmelis báhttja 4. klássan. – Prosjæktabargov vuorodip ja oahppe sierraláhkáj lijkkui aktisasjbargojda oahppijs gejna le dárogiella vuostasjgiellan, javllá áhpadiddje Wenche Nergård. Oahppijs li báhkogæhttalime fágajn, vaj vissása li terminologian ja fáhkamoallánagájt dábdidi.

- Musihkka le huj suohtas, gá lip aktan divna 1.- 10. klássaj, javlli oahppe mánájdásen.

- Midjij luluj álkkep jus girje lidjin sámegiellaj tjáledum, duola dagu luonndofágan ja sebrudakfágan, de lijma bessat báhkogirjen agev áhtsát, javllá oahppe nuorajskávlán.

Valla asstoájgen, sámásti jali dárusti gus? – Álu dárogiellaj málsop, májudi oahppe. Valla giellatjiehpe gájt dá oahppe sjaddi. Vuodoskávlá 10 jagij maññela bukti gálmma giela; sámegiellaj, dárogiellaj ja ieññilgiellaj. Gárvvása duon dán bargguj!